

茗療疾。山門樓上塑有明神宗慈宮太后瓊髮六珈像。金冠霞披，俊秀妙曼，宛如魏姑仙子。毘盧殿內供大銅佛三尊，爲明嘉靖年間所鑄。山門左樓上懸一巨鐘，亦爲別傳和尚所募鑄。今除磚殿尙整齊外，餘皆甚侵蝕封，日就傾圯。僧衆率爲俗物，未足不振宗風，彌覺可惜。寺前有摹刻米襄陽書「第一山」三大字。寺右有唐代龍廣濬上人彈琴處。李太白曾訪之聽琴於此。白之詩云：「蜀僧抱綠綺，西下峩眉峯，爲我一揮手，如聽萬壑松，客心洗流水，餘響入霜鐘，不覺碧山暮，秋雲暗幾重。」蓋即爲其人咏也。

出萬年寺，一里過海會寺，醫王寺。又一里

至極樂寺。寺倚崖建築，規制殊小。其左有水郭山城門，門樓巍然，標立山缺，極其壯觀。穿門

即級而下，兩邊危坡夾峙，林木陰鬱，翳蔽天日。又一里過金龍寺，又二里至白龍洞；洞在寺右，狀如石門。有泉自內傾瀉而出。唐代爲尼庵。

明時別傳大師剎建今寺，名曰白龍。過此石磴修整，幽篁夾道。左邊丹崖峭立，木石森麗。又五里至武顯岡。過清風明月二橋入龍門峽。兩面蒼崖蔚天，勢蹙欲合，崖頂方平，狀如劍門。峯巒千尺，蔓縷苔封，木翳草綴，蒼翠陰森，天光一線。巖際布泉對掛，頓成數簷，盤石根承，散雲飛花。黑白二江自清音閣下匯流，隨山曲折，拍岸穿雲，蜿蜒數十里以瀉於峽。衝撞迸躍，聲若轟雷。范石湖謂「天下峽泉奇觀，以峩眉龍門爲第一。信不誣也。過涼風岡，見溪中有一巨石，形長如舟，名普賢船。沿溪左轉約數十步，有鐵索橋橫跨溪上。橋制係以鐵索四根，牢繩於兩岸鐵樁上，橋面橫鋪木板，闊五六尺。左右並繞以鐵欄。余試履其上，輒震蕩搖曳。俯視橋下，巨石巖洞，浪花翻騰，不禁悚然，乃疾趨而返，按我國西南諸省，索橋頗多。大率皆兩岸陡絕，水勢汹湧，不可橋樑，又不可舟楫，蓋不得已而出此也。

沿溪行右轉又一里至龍門洞。兩側石壁聳峻，清流中貫。灌莽叢生，倒垂巖際。其下水閣數楹，臨流結構。板壁紙窗，陳設精潔。憑欄俯視，有飛瀑數道自崖洞噴湧而出，倒瀉潭中，其聲

轟然如雷，名曰九龍吐水，余平生所見名泉巨瀑無虧數十，然未有奇於此者也。蓋峩眉山高水廣，多自山腹石竅潛流而下。至此坡度漸平，水皆破崖而出，故有此奇耳。潭水深碧，平明如鏡，有一大洞，半浸水中，惜無舟楫，不能暢遊，頗引以爲憾事。寺內有僧數人，以製茶爲業，爲余烹而飲之，七椀風生，不亞於西湖龍井也，是夜余止宿於此，楼下濤聲震耳，通宵不能成寐。

十九日微明起床發龍門洞。倚崖傍澗行，左右石壁側立，陰壑生涼。溪流灘迴，隨山宛轉。余謂峩眉之雄在石筍峯；峩眉之秀在華嚴頂；峩眉之幽在清音閣；峩眉之奇在龍門洞；雄奇幽秀

，兼而有之，豈僅「天下秀」而已耶！十二里至保寧寺。寺在報國寺北，殿宇亦甚壯偉。倚山面溪，青松環立，洵爲勝境。由此而東入公路。又八里返峩眉縣。至汽車站登記候車，下午二時換票乘車開行。回望峩眉雲峯纏綿，低徊不忍去也。過蘇稽至符文河，上有水泥大橋，工程雄固。過橋八公里至徐浩渡。車藉船渡過青衣江。經徐家場又三公里至樂山車站。時暮色蒼茫，原野蕭索，遠望山影幢幢，灯火明滅，不禁淒涼之感。下汽車換乘人力車，沿岷江西岸循劉公隄入嘉樂門，比返嘉定飯店，時已万家灯火矣。

(本篇完)

## 來函照登

臺

啟者：佛教爲世界四大宗教之一，其教旨重在親證。換言之，即在心體力行，一生免現。此與其他宗教專重教條，死後生天者最大分野之處，亦即爲佛教高出世界任何宗教之處。佛所說十二部經，皆從自證分中流出，苟未親證此一境界，即無法徹底理解。四禪無論矣！即在因果乃至十地菩薩，其親證功德行，尙不能測知佛陀所證之萬一。吾輩博地凡夫，信解不足，行證全無，津逮憑識影門頭，常途知見，上議聖量，是真無異以蠡窺海，坐井觀天也。圓明法師近在各佛教刊物中所發表之言論，皆爲識影邊事，而貢高我慢，尤可訾議。孔子，吾國之大聖人也。其於治學，則曰：「多聞闕疑，慎言其餘」。其於立言，則曰：「述而不作，信而好古」。荀子曰：「學然後知不足」。太虛大師亦言：閱藏遇不能理解處，可存而勿論。但信佛不妄語，久之自能融會貫通。古德之態度謙虛平實，有如是者，由於圓明法師之意氣用事，即言世法，尙隔蓬山千里，況於佛陀親證之道，如實之教乎？納須彌於芥子，須彌不加小，芥子不加大。置三千大千世界於一微塵，世界與微塵如故。凡此云云，而欲一一以世俗知見釋之，則其枘鑿之不相入，不得言而自明矣。際茲末運，群言靡雜，曉說日滋，大義微言，不絕如縷。貴刊以維護正法爲職志，務望今後對於此類違背教義之文字請勿刊布，同人等不勝翹首盼禱之至！

此致

海潮音月刊社  
菩提樹月刊社  
人生月刊社  
中國佛教雜誌社  
臺灣佛教雜誌社  
編輯委員會  
王正恒  
丘漢平  
許國柱  
朱鏡宙  
毛惕園  
羅桑益  
李庚生  
譚德森  
閻錦  
周子愼  
陳景陶  
吳經明  
李鴻文  
李仲琳  
吳林劉中一  
鄧翔海  
錢召如  
同啓